



REPUBLIKA Y'U RWANDA
MINISITERI Y'IBIDUKIKIJE
IKIGO CY'IGHUGU GISHINZWE UBUMENYI
BW'IKIRERE



B P: 898, Kigali, Rwanda, Website: www.meteorwanda.gov.rw

Toll free :6080

AKANYAMAKURU K'IMIHINDAGURIKIRE Y'IKIRERE No 10, KAGENEWE ABAHINZI-BOROZI, IGICE CYA MBERE MATA (01-10) 2020


Cyasohotse ku itariki ya 12 Mata, 2020

Iriburiro

Mu minsi icumi y'igice cya mbere, Mata 2020 kuva tariki ya 01 kugeza tariki ya 10, ahensi mu gihugu habonetse imvura nke ugereranyije n'isanzwe igwa muri ayo matariki mu gihe cy'emyaka myinshi. Imvura nyinshi yapimwe ku bupimiro bwa Kibungo-Kazo mu Karere ka Ngoma hapimwe milimetro 90.5. Ahapimwe imvura nke ni ku bupimiro bwa Nyagatare mu Karere ka Nyagatare ingana na milimetro 2.2; Intara y'Amajyepfo, Amajyaruguru, n'Uburengerazuba bw'amajyepfo ndetse n'agace k'Amajyepfo y'Uburasirazuba niho habonetse imvura nyinshi kurusha izindi ntara.

Ibibimo by'ubushyuhe ni nk'ibisanzwe ntibyahindutse cyane ugereranyije n'iminsi ishize; Igipimo cy'ubushyuhe bwo hejuru cyari hagati ya dogere Selisiyusi($^{\circ}\text{C}$) 22.0 muri Gicumbi na 31.6°C mu Bugarama naho igipimo cy'ubushyuhe bwo hasi cyari hagati ya 11.7°C ku bupimiro bwa Busogo na 19.1°C ku bupimiro bwa Bugarama.

Imvura yaguye muri Mata (1-10) 2020 ugereranyije n'isanzwe igwa muri iyo minsi




Ishusho 1: Imvura yaguye ugereranyije n'isanzwe igwa muri iyo minsi.

1.0. Imvura yaguye

Aha turerekana ingano y'invura yaguye, umubare w'iminsi invura yaguye n'ubuhehere bw'ubutaka mu minsi icumi y'igice cya mbere cya Mata 2020.

1.1. Ingano y'invura yaguye

Ikarita ya mbere hasi irerekana ingano y'invura yaguye mu minsi icumi igice cya mbere cya Mata 2020. Igiteranyo cy'invura mu minsi icumi y'igice cya mbere cyari hagati ya milimetro 90.5 na milimetro 2.2. Invura nyinshi yaguye ku bupimiro bwa Kibungo-Kazo mu karere ka Ngoma mu Ntara y'Iburasirazuba (90.5mm). Ahaguye invura nke ni ku bupimiro bwa Nyagatare mu karere ka Nyagatare hapimwe milimetro 2.2




Ikarita ya 1: Ingano y'Invura muri mm

1.2 Invura isanzwe igwa mu minsi icumi y'igice cya mbere cya Mata

Ufatiye ku bipimo by'igihe kirere, ikarita ya kabiri iratwereka invura isanzwe igwa mu minsi icumi y'igice cya mbere cya Mata.

Ubusanzwe iki igice cya Mata kigusha invura iri hagati ya milimetro 20.5 na 56.7;


bigaragara ko ugereranyije invura yaguye n'isanzwe igwa mu gihe kirekire, invura yaguye yari nke mu Ntara y'Amajyaruguru, mu Mujyi wa Kigali, ndetse no mu majyaruguru y'Intara y'Iburasirazuba nko mu karere ka Nyagatare, Gatsibo, Kayonza n'agace k'Amajyaruguru y'Akarere ka Rwamagana. Mu majyepfo y'iburasirazuba, mu karere ka Nyamagabe n'agace gato k'amajyepfo y'Akarere ka Rusizi niho haguye invura nyinshi naho ahandi hasigaye hose yari iri mu rugero rw'isanzwe igwa




Ikatita ya 2: Invura isanzwe igwa mu gice cya mbere cy'ukwezi kwa Mata

1.3.Umubare w' iminsi invura yaguyemo

Ikarita ya 3 iragaragaza umubare w'iminsi invura yaguyemo, mu gice cya mbere mu kwezi kwa Mata 2020. Umunsi tubara ko wagushije invura ni umunsi ugira byibuze milimetro 0.85 cyangwa nyinshi. Muri rusange invura yabonetse hagati y'umunsi umwe n'iminsi itandatu (1-6) nubwo ahensi mu gihugu invura yaguye yari hagati y'iminsi 4 n'iminsi 5. Iminsi mike yabaye 1 ku bupimiro bwa Nyagatare, iminsi myinshi yabaye 6 ku bupimiro bwa Busogo, Ngoma, Musanze na Byimana.



Ikarita ya 3: Umubare w'iminsi imvura yaguyemo



Ikarita ya 4: Ubuhehere bw'ubutaka

Ikarita ya 4 iragaragaza ko muri rusange ahensi mu gihugu ubuhehere bw'ubutaka muri iyi minsi icumi y'igice cya mbere cya Mata 2020 bwagabanutse ho gake. Cyane bitewe n'ibihe by'imvura n'izuba byaranze iyi minsi.


Hateganyijwe ko ubuhehere bw'ubutaka buziyongera mu gice cya kabiri cya Mata bitewe n'uko imvura iziyongera ugereranyije n'iyaguye mu gice cya mbere cya Mata.

2.0. Ibibimo by'ubushyuhe

Aha turareba muri rusange uko ibibimo by'ubushyuhe bwo hejuru no hasi hirya no hino mu gihugu byari bimeze.

2.1 Igipimo cy'ubushyuhe bwo hejuru


Ikarita ya 5 irerekana ubushyuhe bwo hejuru. Ugendeye ku bipimo by'ubushyuhe dusanzwe tubona, ahensi mu gihugu ubushyuhe bwari mu kigereranyo gisanzwe; mu Majyaruguru y'Uburasirazuba, mu Mujyi wa Kigali, ndetse n'igice kinini cy'Uburengerezuba cyane cyane mu Majyepfo yaho niho hashyushye kurusha ahandi mu gihugu nahoh mu Ntara y'Amajyaruguru akaba ariho hakonje ugereranyije n'ahandi. Ibibimo by'ubushyuhe byari hagati ya dogere Selisiyusi 22.0 na 27.4 ahensi mu gihugu; uretse ku bupimiro bwa Nyagatare hapimwe dogere selisiyusi 28.5 no ku bupimiro bwa Bugarama hashyushye cyane kuko hapimwe dogere selisiyusi 31.8



Ikarita ya 5: Ubushyuhe bwo hejuru

2.1. Igipimo cy'ubushyuhe bwo hasi

Ikarita ya gatandatu irerekana uko ubushyuhe bwo hasi bwanganaga. Ubushyuhe bwo hasi bwari hagati ya Dogere Selisiyusi 11.7 (Busogo) na Dogere Selisiyusi 19.1 (Bugarama). Mu Majyaruguru y' u Rwanda niho hakonje cyane kurusha ibindi bice by'ighugu.




Ikarita ya 6: Ubushyuhe bwo hasi

3.0 Iteganyagihe rigenewe abahinzi mu minsi icumi y'igice cya kabiri cya Mata (tariki 11-20) 2020

3.1 Ikirere giteganyijwe

Ugereranyije igice cya mbere cya Mata n'igice cya kabiri cya Mata 2020, hateganyijwe ko imvura iziyongera mu gice cya kabiri cya Mata 2020. Imvura iteganyijwe izaba iri hagati ya milimetro 40 na 120;

Mu majyaruguru y'Intara y'Iburengerezuba, Amajyaruguru y'Intara y'Amajyepfo ndetse nigice kinini cy'Akarere ka Gakenke niho hateganyijwe imvura nyinshi kurusha ahandi izaba iri hagati ya milimetro 100 na 120. Ahateganyijwe imvura nke ni mumajyepfo y'Intara y'Iburasirazuba hakaba hateganyijwe imvura iri hagati ya milimetro 40 na 60, naho ibindi bice by'ighugu bisigaye hateganyijwe imvura iringaniye izaba iri hagati ya milimetro 50 na 100. Iyi mvura izaba iringaniye ariko ikaziyongera guhera kuwa 16 kugeza kuwa 18 Mata 2020.



Ikarita ya 7: Iteganyagihe ry'imvura mugice cya mbere cya Mata

3.2 Ibirebana n'imirimo y'ubuhinzi

Dushingiye ku bipimo bigaragaza kwiyongera kw'imvura mu gice cya kabiri cya Mata 2020 (tariki 11-20), abahinzi barashishikarizwa gukomeza gukora imirimo y'ubuhinzi kandi bagisha inama abashinzwe ubuhinzi babegereye. Barashishikarizwa kandi kujya basura urubuga rwa Meteo Rwanda www.meteorwanda.gov.rw, cg guhamagara umurongo utishyurwa 6080.

